

 CERTIFIED QMS-0281/A Сертифицирована Система Менеджмента	ZS-8,9-FD-ZS-HB-6	GAROVGA QO'YILAYOTGAN MAXSUS TEXNIKANI SUG'URTALASH TO'G'RISIDA BOSH SHARTNOMA (umumiy sugurta sohasidagi 8,9 klasslari)	 TEMIRYO'L SUG'URTA стр. 1 из 2
	06/01/2025		

“GAROVGA QO'YILAYOTGAN MAXSUS TEXNIKANI SUG'URTALASH” TO'G'RISIDA FD-ZS-HB-6-sonli BOSH SHARTNOMA

Andijon sh.

“08” yanvar 2025-y.

O'zbekiston Respublikasi Moliya vazirligi huzuridagi Sug'urta bozorini rivojlantirish agentligining 2022-yil “25” fevraldagi 00052-sonli Sug'urta faoliyatini amalga oshirish huquqini beruvchi Litsenziyasi asosida o'z faoliyatini amalga oshiradigan, keyingi o'rinlarda **“SUG'URTALOVCHI”** deb nomlanuvchi **«TEMIRYO'L-SUG'URTA»** AJ nomidan Ustav asosida ish yurituvchi Bosh direktori S.A.Umarov bir tomondan, keyingi o'rinlarda **“NAF OLUVCHI”** deb nomlanuvchi, **“Hamkorbank” ATB** nomidan Ustav asosida ish yurituvchi Boshqaruv raisi B.T. Jo'rayev ikkinchi tomondan birgalikda “Tomonlar”, alohida hollarda “Tomon” deb atalib, Garovga qo'yilayotgan maxsus texnikani sug'urtalash to'g'risidagi Bosh shartnomani (bundan buyon matnda - Bosh shartnoma deb yuritiladi) tuzdilar:

1. Mazkur Bosh shartnomaning predmeti O'zbekiston Respublikasi Fuqarolik kodeksining 354 (Shartnoma tuzish erkinligi) va 360 (Qo'shilish shartnomasi) moddalariga asosan Qarz oluvchining (Sug'urta qildiruvchining) mazkur Bosh shartnoma shartlariga qo'shilishi hisoblanadi.

2. Naf oluvchi va/yoki Qarz oluvchining topshirig'iga ko'ra, Sug'urtalovchi o'z zimmasiga, mazkur Bosh shartnomanning ajralmas qismi hisoblanadigan 2025 yil 08 yanvardagi “Garovga qo'yilayotgan maxsus texnikani sug'urtalash” qoidalariga (bundan buyon matnda – “Sug'urta qoidalariga” deb yuritiladi) shartlariga muvofiq, sug'urta hodisasi sodir bo'lishi oqibatida Sug'urta qildiruvchiga/Naf oluvchiga yetkazilgan zararni qoplash majburiyatini oladi. Sug'urta qoidalariga doirasida rasmiylashtirilgan sug'urta polisiga muvofiq Sug'urta qildiruvchi Qarz oluvchi hisoblanadi.

3. Sug'urta mukofotini to'lanishi, Qarz oluvchining Sug'urta qoidalariga va elektron sug'urta polisida belgilangan shartlarda, tartibda va hajmda, Sug'urta qoidalariga qo'shilishiga so'zsiz va to'liq roziligini (akseptlaganini) bildiradi.

4. Har bir Qarz oluvchining mazkur Bosh shartnomaga va Sug'urta qoidalariga qo'shilishi Sug'urtalovchi tomonidan har bir sug'urta shartnomasi doirasida berilgan elektron sug'urta polisi bilan tasdiqlanadi.

5. Tomonlar Sug'urtalovchining Internet jahon axborot tarmog'idagi rasmiy veb-saytidan, shuningdek mobil ilovalardan, elektron pochtdan va axborot almashishning boshqa usullaridan foydalanilgan holda elektron sug'urta polislarini rasmiylashtirishga haqli.

6. Tomonlar, Sug'urta qoidalariga muvofiq elektron sug'urta polisi yuzasidan olingan majburiyatlarni bajarilishi bilan bog'liq bo'lgan huquq va majburiyatlarga ega. Sug'urta qoidalarida belgilangan shartlar, Sug'urtalovchi, Sug'urta qildiruvchi / Qarz oluvchi va Naf oluvchi uchun majburiydir.

7. Mazkur Bosh shartnomaga ilova qilingan Sug'urta qoidalariga sug'urta qildiruvchiga topshirilganligini Sug'urtalovchi tasdiqlaydi.

 CERTIFIED QMS-0281/A Сертифицированная Система Менеджмента	ZS-8,9-FD-ZS-HB-6	GAROVGA QO'YILAYOTGAN MAXSUS TEXNIKANI SUG'URTALASH TO'G'RISIDA BOSH SHARTNOMA (umumiy sugurta sohasidagi 8,9 klasslari)	 TEMIRYO'L SUG'URTA
	06/01/2025		

стр. 2 из 2

8. Mazkur Bosh shartnomada nazarda tutilmagan boshqa shartlar, Bosh shartnomaning ajralmas qismi bo'lgan Sug'urta qoidalari va O'zbekiston Respublikasining amaldagi qonunchilik asosida tartibga solinadi.

9. Mazkur Bosh shartnoma taraflar tomonidan imzolanganidan so'ng kuchga kiradi va taraflarning birini tashabbusi bilan ikkinchi tarafni 30 kun oldin ogohlantirgan holda bekor qilinishi mumkin, biroq mazkur Bosh shartnoma bekor qilinishi uning amal qilgan davrida berilgan sug'urta polislar muddati tugaguniga qadar amalda bo'ladi.

10. TOMONLAR MANZILI VA REKVIZITLARI


SUG'URTALOVCHI "TEMIRYO'L-SUG'URTA" AJ

MANZILI: Toshkent sh., Yunusobod tumani, Oloy bozori berk ko'chasi, 64 uy, BM "Orient"
BANK: "Ipak yuli" Banki
 Mirzo-Ulug'bek filiali
MFO: 00421, **OKED:** 65120
INN: 203 996 028
X.R.: 20214000904188772001
Elektron pochta: insurance@tys.uz
TEL.: 71-207-19-01

Bosh direktori: S.A.Umarov

M.O'.

imzo



NAF OLUVCHI "Hamkorbank" ATB

MANZILI: Andijon sh., Bobur shoh ko'chasi 85 uy
BANK: "Hamkorbank" ATB Bosh ofisi
MFO: 00083, **OKED:** 96120
INN: 200 242 936
X.R.: _____
Elektron pochta: muloqot@hamkorbank.uz
TEL.: 0 800 1 200 200

Boshqaruv raisi: B.T. jo'rayev

M.O'.

imzo



 CERTIFIED QMS-0281/A Сертифицированная Система Менеджмента	RS-8,9-FD-ZS-HB-6	Garovga qo'yilayotgan maxsus texnikani sug'urtalash qoidalarini (umumiy sug'urta sohasidagi 8,9 klasslari)	 TEMIRYO'L SUG'URTA Стр. 1 из 10
	06/01/2025		

“KELISHILGAN”
“Hamkorbank” ATB

Boshqaruv raisi
B.T. Jo'raev

(imzo va muhr o'rni)

“ 8 ” yanvar 2025 yil

“TASDIQLAYMAN”

“TEMIRYO'L-SUG'URTA” AJ

Bosh direktori
S.A. Umarov

(imzo va muhr o'rni)

“ 8 ” yanvar 2025 yil

GAROVGA QO'YILAYOTGAN MAXSUS TEXNIKANI SUG'URTALASH QOIDALARI

1-BO'LIM. UMUMIY SHARTLAR

1.1. Ushbu Garovga qo'yilayotgan maxsus texnikani sug'urtalash qoidalarini (bundan keyingi matnlarda – “Sug'urta qoidalarini” deb nomlanadi) “TEMIRYO'L-SUG'URTA” AJ (keyinchalik matnda - Sug'urtalovchi deb yuritiladi) tomonidan O'zbekiston Respublikasi qonunchiligiga asosan ishlab chiqilgan bo'lib, “Hamkorbank” ATB (keyinchalik matnda - Naf oluvchi deb ataluvchi) mijozlariga Umumiy sug'urta sohasidagi 3, 8 va 9 klasslari bo'yicha Garovga qo'yilayotgan maxsus texnikani sug'urtalash polislari doirasida sug'urta xizmatlarini ko'rsatish tartib va shartlarini belgilaydi.

Mazkur Sug'urta qoidalarini bo'yicha sug'urta subyektlari bo'lib Sug'urtalovchi, Naf oluvchi, Sug'urta qildiruvchi (Qarz oluvchi) xamda Garovga qo'yuvchi (agar mulk Qarz oluvchilik bo'lmasa) xisoblanadi. Sug'urta qoidalarini bo'yicha tuzilgan shartnomalarni predmeti Sug'urta qildiruvchida mulkdorlik, egalik qilish, idora qilish huquqi asosida bo'lgan, garovga qo'yilayotgan maxsus texnikadan mahrum bo'lishi (nobud bo'lishi) yoki uning shikastlanishidan sug'urtalash bo'lib, shu munosabat bilan Sug'urtalovchi sug'urta hodisasi sodir bo'lganda Sug'urta qildiruvchi/Naf oluvchiga ushbu Sug'urta qoidalarida ko'rsatilgan shartlar va/yoki ushbu Sug'urta qoidalarining ajralmas qismi hisoblangan qo'shimcha kelishilgan shartlar, istisnalar va ilovalarga muvofiq sug'urta tovonini quyida ko'rsatilgan hajm va muddatda to'lash majburiyatini, Sug'urta qildiruvchi esa ushbu Sug'urta qoidalarida ko'rsatilgan tartib va muddatda sug'urta mukofotini to'lash majburiyatini oladi.

1.2. Ushbu Sug'urta qoidalarini bo'yicha sug'urta obyekti bo'lib sug'urta hodisasi sodir bo'lganda Sug'urta polisida ko'rsatilgan maxsus texnikadan mahrum bo'lish (nobud bo'lish) yoki uning shikastlanishi oqibatida Sug'urta qildiruvchi/Naf oluvchining foydalanish, egalik qilish, idora qilish bilan bog'liq, O'zbekiston Respublikasining qonun hujjatlariga zid bo'lmagan mulkiy manfaatlarini hisoblanadi.

1.3. Ushbu Sug'urta qoidalariga muvofiq tuzilgan shartnomalarda Sug'urta qildiruvchi Sug'urtalovchiga Ariza so'rovnoma va boshqa har qanday hujjatda taqdim etilgan hujjatlar va ma'lumotlarlar tuzilgan shartnomaning ajralmas qismi ekanligini, shuningdek rost va haqiqatga to'g'ri keladigan ma'lumotlarga ega ekanligini tasdiqlaydi.

1.4. Sug'urta qoidalarini asosida tuzilgan sug'urta polisida ko'rsatilgan kredit shartnomasining ta'minot sifatida garovga qo'yilayotgan maxsus texnikani sug'urtalash obyekti ekanligini Naf oluvchi, Sug'urtalovchi, Sug'urta qildiruvchi xamda Qarz oluvchilar tasdiqlaydilar.

2-BO'LIM. TA'RIFLAR

Quyida keltirilgan, ushbu Sug'urta qoidalarida foydalanilgan atamalar, agar boshqacha kelishilmagan bo'lsa, quyidagi ma'nolarga ega:

ISO 9001:2015  CERTIFIED QMS-0261/A Сертифицированная Система Менеджмента	RS-8,9-FD-ZS-HB-6 06/01/2025	Garovga qo'yilayotgan maxsus texnikani sug'urtalash qoidolari (umumiy sug'urta sohasidagi 8,9 klasslari)	 TEMIRYO'L SUG'URTA стр. 2 из 10
--	-------------------------------------	---	--

2.1. Sug'urta polisi – Sug'urtalovchining sug'urta to'lovni to'lash bo'yicha majburiyatlari kuchga kirganligini tasdiqlovchi, Sug'urta qildiruvchiga sug'urta mukofoti to'langandan keyin beriladigan hujjat.

2.2. Sug'urta puli – ushbu Sug'urta qoidalariga shartlariga ko'ra sug'urta hodisasi yuz berganida Sug'urta qildiruvchi/Naf oluvchi oldida Sug'urtalovchi majburiyatlarining eng ko'p hajmlarini ifodalaydigan pul mablag'lari summasi.

2.3. Sug'urta mukofoti – sug'urta uchun to'lov bo'lib, uni Sug'urta qildiruvchi va/yoki Qarz oluvchi ushbu Sug'urta qoidalarida bayon qilingan tartibda va muddatlarda Sug'urtalovchiga to'lashi shart bo'lgan summa.

2.4. Sug'urta qiymati – Sug'urta polisini rasmiylashtirish paytida taraflarning kelishuviga ko'ra aniqlanadigan, sug'urta manfaati bilan bog'lanadigan maxsus texnika vositasi qiymati (FK 935m).

2.5. Sug'urta hodisasi – Sug'urta qoidalarida keltirilgan, sodir bo'lishi bilan Sug'urtalovchining sug'urta to'lovni to'lovini amalga oshirish majburiyatini keltirib chiqaruvchi sug'urta voqeasi.

2.6. Sug'urta to'lovni – sug'urta hodisasi sodir bo'lganda Sug'urtalovchi tomonidan Sug'urta qildiruvchi/Naf oluvchining zararlarini qoplash uchun to'lanadigan pul mablag'lari miqdori.

2.7. Naf oluvchi – Sug'urta qildiruvchining arizasiga asosan ushbu Sug'urta qoidalariga bo'yicha sug'urta to'lovini oluvchisi sifatida tayinlangan va Sug'urta polisida ko'rsatilgan shaxs.

2.8. Maxsus Texnika deganda qurilishda, yo'l-qurilish ishlarida, yer qazishda, karerlarda, konlarda, qishloq xo'jaligida va kommunal sohasida ishlatiladigan maxsus texnika va mexanizmlar tushuniladi (buldozerlar, samosvallar, ekskavatorlar, greyderlar, beton qorishmalarini aralashtiruvchi mexanizmlar, kompressorlar, traktorlar, sement tashuvchi, suv quyuvchi mashinalar, katoklar, asfalt yotqizuvchi mashinalar, yer qazish va burg'ilash mashinalari, kambaynlar, o'roqlar, kultivatorlar, seyalkalar, chiqindilarni tashuvchi va tozalash texnikalar, avariya-ta'mirlash xizmatlarning avtoulavlari va boshqalar (x k)).

2.9. Sug'urtalangan maxsus texnika vositasi – ishlab chiqaruvchi zavod to'plamidagi ko'rsatilgan mahsus texnika vositasi (quyida – «sug'urtalangan maxsus texnika vositasi» yoki «maxsus texnika vositasi»).

2.10. Haydovchi – mahsus texnika vositasini boshqarishga ruxsat etilgan toifali haydovchilik guvohnomasiga va O'zbekiston Respublikasining amaldagi qonun hujjatlariga muvofiq sug'urtalangan maxsus texnika vositasini boshqarish ruxsatnomasiga (ishonchnoma va/yoki yo'l varag'iga) ega bo'lgan shaxs.

2.11. Sug'urta qoidalarining amal qilish muddati – Sug'urta qoidalariga doirasida rasmiylashtirilgan sug'urta polislari amalda bo'ladigan davr.

2.12. Sug'urta muddati – ushbu Sug'urta qoidalariga asosan tuzilgan sug'urta shartnomalarning amal qiladigan vaqt davri bo'lib, Sug'urta davrining boshlanishi va tugashi vaqti Sug'urta polisida ko'rsatiladi.

2.13. Geografik hudud – Sug'urta polisi amalda bo'ladigan hudud. Geografik hudud bo'lib O'zbekiston Respublikasi. "Sug'urta qildiruvchi va/yoki Naf oluvchining so'roviga ko'ra, boshqa davlatlar yoki ularning alohida hududlari geografik hududga kiritilishi mumkin.

2.14. Uchinchi shaxslarning noqonuniy harakatlari – sug'urtalangan maxsus texnika vositasi yoki uning alohida qismlarini yondirilishi, sindirilishi, buzilishi, o'zlashtirilishi, shuningdek uchinchi shaxslarning qonunga zid/huquqbuzarlik/noqonuniy harakatlari natijasida yo'qotilishi yoki shikastlanishi.

2.15. Uchinchi shaxslar – Sug'urta qildiruvchi/Naf oluvchi bilan Sug'urta shartnomaviy munosabatda bo'lmagan har qanday jismoniy yoki yuridik shaxs tushuniladi. Sug'urta qildiruvchi/Naf oluvchi, uning oila a'zolari, uning xodimlari, shuningdek Sug'urta qildiruvchining nomidan ish yurituvchi jismoniy va yuridik shaxslar uchinchi shaxs hisoblanmaydi.

2.16. Yo'l-transport hodisasi – transport vositasining yo'ldagi qatnovi jarayonida sodir bo'lib, odamlarning o'limi yoki ularning sog'lig'iga zarar yetishiga, transport vositalari, inshootlar, yuklar shikastlanishiga yoki boshqacha tarzda moddiy zarar yetkazilishiga sabab bo'lgan hodisa.

 CERTIFIED QMS-0281/A Сертифицированная Система Менеджмента	RS-8,9-FD-ZS-HB-6	Garovga qo'yilayotgan maxsus texnikani sug'urtalash qoidalari (umumiy sug'urta sohasidagi 8,9 klasslari)	 TEMIRYO'L SUG'URTA стр. 3 из 10
	06/01/2025		

2.17. Yong'in = o't oldirish va ushlab turish uchun maxsus mo'ljallangan joylardan tashqariga ixtiyoriy ravishda tarqalish xususiyatiga ega olov.

2.18. Portlash – gaz yoki bug'larning kengayishiga asoslangan, katta miqdordagi energiyaning shiddat bilan otilib chiqishi. Rezervuar portlashi bo'lib rezervuar ichkarisida va tashqarisidagi bosim tenglashishiga olib keladigan darajada rezervuar devorlarining yorilishi. Agar rezervuar ichida kimyoviy reaksiyaning tez kechishi natijasida portlash sodir bo'lsa, uning devorlari yorilmagan bo'lsa xam, bundan yetkazilgan zarar sug'urta bilan qoplanadi. Vakuum yoki gazlarning siyraklashishi natijasida yetkazilgan zarar sug'urta qilinmaydi.

2.19. Yashin urishi – TV mahrum bo'lishga (nobud bo'lishiga) olib keluvchi, unga yashinning to'g'ridan-to'g'ri tegishi (yashin – bulutlar o'rtasidagi yoki bulut va yer o'rtasidagi elektr razryadi). Yashinning issiq ta'siri va yashin oqibatida havo bosimi ta'siri ham sug'urta bilan qoplanadi.

2.20. Zilzila – yer qa'rida muntazam sodir bo'ladigan, yerning ustki qismi silkinishi va tebranishi bilan kuzatiladigan tabiiy jarayonlar natijasi.

2.21. Suv toshqini – daryo, ko'l, dengiz sathining ko'tarilishi yoki damba, to'g'on buzilishi natijasida xududni sezilarli darajada suv bosishi.

2.22. Ko'chki – shamol yoki yerusti yoki yerosti suvlarning ta'sirida, qirg'oq yonbag'irlarini yuvilishi va jisnlarning og'irlik kuchi ta'sirida yoki zilzila natijasida tog' jinslarning qulashi.

2.23. Yer siljishi – dengizlar, ko'llar, daryolar jarliklar yaqinida chuqurliklarning, kanallarning tik qiyaliklari, shuningdek tog'larda o'z og'irlik kuchi ta'sirida yer massasining sekin siljishi.

2.24. Kuchli shamol – tezligi 15 m/s va undan ortiq bo'lgan shamol. Shamol tezligi O'zbekiston Respublikasi Gidrometmarkazning xududiy muassasalari ma'lumotnomalari bilan tasdiqlanadi.

2.25. Do'l urishi – do'lning bevosita ta'siri oqibatida sug'urtalangan TVni xar qanday yo'qotilishi yoki shikastlanishini anglatadi.

2.26. Jala – 12 soat yoki undan kam vaqtda 30 mm yoki undan ortiq katta miqdorda yog'ingarchilik bo'lishi bilan kuzatiladigan kuchli yomg'ir.

2.27. Qalin qor yog'ishi – bunday qor yog'ishi ushbu xudud uchun kamdan-kam (g'ayrioddiy) holat bo'lishi sharti bilan qisqa vaqt oralig'ida oddatdagidan ko'p miqdorda – 12 soat va undan kam vaqtda 20 mm va undan ko'p qor yog'ishi. Xo'jasizlik sababli sekin-asta ko'p miqdorda qor to'planishi qalin qor yog'ishidan farqlanadi.

2.28. Suvdan zaralanish – ichimlik suvi, oqova suvlar, isitish tizimlari, yong'inni o'chirish va xaroratni maromda saqlash tizimlaridan chiqqan suv yoki suyuqlikning sug'urtalangan tv jismoniy ta'sir qilishi yoki Sug'urta qildiruvchiga tegishli bo'lmagan qo'shni joylardan suv kirishi.

2.29. Uchuvchi vositalarning qulashi – uchuvchi apparatlar, ularning qismlari yoki yuklari tushishi natijasida sug'urtalangan TV ni har qanday bevosita yo'qotilishi yoki shikastlanishini anglatadi.

3-BO'LIM. SUG'URTA HODISASI VA TAVAKKALCHILIKLARI

Ushbu Sug'urta qoidalari bo'yicha Sug'urtalovchi ushbu Sug'urta qoidalarining 3-ilovasida ko'rsatilgan sug'urtalangan maxsus texnika vositasiga sug'urta himoyasini bilvosita quyidagi qaltisliklar natijasida sug'urta hodisasi sodir bo'lganda taqdim etadi:

- yo'l-transport hodisasi;
- yong'in, portlash, yashin urishi;
- suv bosishi, bo'ron, dovul, kuchli shamol, yomg'ir, do'l, qalin qor yog'ishi, sel;
- zilzila, yer siljishi, ko'chki, ag'darilishi, o'pirilishi;
- uchinchi shaxslarning noqonuniy harakatlari.
- predmetlarning urilishi yoki qulashi.
- maxsus texnikaning montaj va demontaj ishlari vaqtida shikastlanishi;
- maxsus texnikani haydab olib qochish, talonchilik, bosqinchilik

 CERTIFIED GMS-0281/A Сертифицированная Система Менеджмента	RS-8,9-FD-ZS-HB-6 06/01/2025	Garovga qo'yilayotgan maxsus texnikani sug'urtalash qoidalari (umumiy sug'urta sohasidagi 8,9 klasslari)	 TEMIRYO'L SUG'URTA Стр. 4 из 10
---	-------------------------------------	--	--

3.1. Maxsus qo'shimcha shart:

Ushbu bilan Sug'urta qoidalari bo'yicha tomonlar mustaqil qismlar, tizimlar, bog'lovchi qismlar, moslamalarga (olib qochishga qarshi uskunalar, avtomagnitolalar, ovoz kuchaytirgichlar, karnaylar/dinamiklar, sport diskalari, har qanday turdagi antennalar va h.k.) yetkazilgan zarar, agar ular ishlab chiqaruvchi zavod tomonidan o'rnatilmagan, sug'urtalangan maxsus texnika vositasi to'plamiga kiritilmagan yoki ushbu Sug'urta qoidalari bilan qo'shimcha jihoz sifatida sug'urtalanmagan bo'lsa, ushbu Sug'urta qoidalari bo'yicha qoplanmasligini tasdiqlaydilar va bunga rozi bo'ladilar.

4-BO'LIM. UMUMIY ISTISNOLAR

4.1. Ushbu Sug'urta qoidalari bilan quyidagi shart-sharoitda sug'urtalangan maxsus texnika vositasiga yetkazilgan zararlar qoplanmaydi:

a) harbiy bosqinchilik harakatlari, harbiy harakatlar yoki harbiyga o'xshash harakatlar (urush e'lon qilinganligi yoki qilinmaganligidan qat'iy nazar), fuqarolik urushi;

b) g'alayon, fuqarolarning ommaviy tartibsizliklari, milliy tavsifdagi ish tashlashlar;

v) shaxs yoki guruh tomonidan amalga oshirilgan terrorchilik harakatlari;

g) Agar mulkiy Sug'urta qoidalarida boshqacha tartib nazarda tutilmagan bo'lsa, sug'urtalovchi sug'urtalangan mol-mulk davlat organlarining farmoyishi bilan olib qo'yilishi, musodara qilinishi, rekvizitsiya qilinishi, xatlanishi yoki yo'q qilib tashlanishi oqibatida ko'rilgan zarar uchun sug'urta tovonini to'lashdan ozod qilinadi.

d) sug'urtalangan maxsus texnika vositasi ixtiyorida bo'lgan Sug'urta qildiruvchi/Haydovchining yoki Naf oluvchining sug'urta hodisasi sodir bo'lishiga yo'naltirilgan, qasddan qilgan harakatlari, o'z fuqarolik burchini ado etish yoki Sug'urta qildiruvchi/Haydovchi yoki uchinchi shaxslarning hayoti, sog'lig'i, nomusi va qadr-qimmatini himoya qilish bilan bog'liq harakatlar bundan mustasno;

y) sug'urta qildiruvchi va/yoki Naf oluvchi tomonidan sug'urtalangan maxsus texnika vositasi haqida avvaldan yolg'on ekanligi ma'lum bo'lgan ma'lumotlarni xabar qilinishi;

j) sug'urtalangan maxsus texnika vositasini mastlik holatida (alkogol, giyohvand moddalar iste'mol qilgan) boshqarishi;

z) sug'urta qildiruvchi/Naf oluvchi maxsus texnika vositasidan boshqarishni o'rgatish yoki musobaqa va sinovlarda qatnashishda foydalanishi;

i) temir yo'lni kesib o'tish qoidasini buzishi, svetoforming man etuvchi chirog'iga o'tish;

k) sug'urta qildiruvchi/Naf oluvchi/Haydovchi bu haqida bilganligi yoki bilmaganligidan qat'iy nazar sug'urtalangan maxsus texnika vositasining ushbu Sug'urta qoidalari amal qilishidan avval bo'lgan nosozligi yoki nuqsonlari, agar mazkur nosozlik yoki nuqsonlar tegishli vakolatli organlar tomonidan xujjatlar asosida tasdiqlansa;

l) sug'urtalangan maxsus texnika vositasini O'zbekiston Respublikasining amaldagi qonun hujjatlariga muvofiq transport vositalarini boshqarish uchun huquqi va ruxsati (haydovchilik guvohnomasi, ishonchnoma va/yoki yo'l varag'iga) bo'lmagan shaxs tomonidan boshqarilishi.

4.2. Ushbu Sug'urta qoidalari bo'yicha g'ildiraklarning va/yoki shinalarning qatnov yo'lining notekisligi yoki yomon holati, o'tkir buyumlarni bosishi va h.k. sababli zararlanishi, agar bu sug'urtalangan maxsus texnika vositasini shikastlanishi yoki nobud bo'lishiga olib kelmasa, qoplanmaydi.

4.3. Maxsus istisnolar:

4.3.1 Quyidagilar sug'urta hodisalari deb tan olinmaydi:

a) maxsus texnika vositasini, uning alohida qismlari va bog'lovchi qismlarini ulardan foydalanish va/yoki foydalanmaslik oqibatida tabiiy eskirishi;

b) ishlab chiqaruvchi zavod yo'l qo'ygan nuqson;

v) Sug'urta qildiruvchi/Naf oluvchining sug'urtalangan maxsus texnika vositasini takomillashtirish bilan bog'liq xarajatlari;

ISO 9001:2015  CERTIFIED QMS-0261/A Сертифицированная Система Менеджмента	RS-8,9-FD-ZS-HB-6	Garovga qo'yilayotgan maxsus texnikani sug'urtalash qoidalari (umumiy sug'urta sohasidagi 8,9 klasslari)	 TEMIRYO'L SUG'URTA
	06/01/2025		

5-BO'LIM. SUG'URTA PULI, SUG'URTA MUKOFOTI

5.1. Har bir tuzilgan sug'urta shartnomasi bo'yicha sug'urta summasi va sug'urta mukofoti miqdori, ushbu Sug'urta qoidalarining 4 - ilovasida ko'rsatilgan sug'urta polisi namunasiga asosan ramiylashtirilgan sug'urta polisida ko'rsatiladi, shartnomalar bo'yicha sug'urta mukofoti Sug'urta qoidalarining 1-ilovasidagi tarif asosida xisoblanadi.

5.2. Ushbu Sug'urta qoidalari asosida tuzilgan shartnomalar bo'yicha barcha o'zaro hisob-kitoblar milliy valyuta (so'm)da amalga oshiriladi.

6-BO'LIM. SUG'URTA SHARTNOMALARNI TUZISH TARTIBI VA AMALDA BO'ЛИSH MUDDATI

6.1. Mazkur Sug'urta qoidalariga asosan sug'urtalovchi va naf oluvchi orasida Bosh kelishuv tuziladi va xar bir sug'urta qildiruvchiga elektron sug'urta Polis berish va Sug'urta qoidalariga qo'shilish yo'li bilan shartnomalar tuziladi.

Elektron sug'urta polisi (Sug'urta qoidalarining 4-ilovasi) amaldagi sug'urta faoliyati qonunchiligi talablari doirasida rasmiylashtiriladi hamda sug'urta mukofoti / uning birinchi navbatdagi badali Sug'urtalovchining bank hisob raqamiga kelib tushgandan keyin zudlik bilan onlayn rejimda Sug'urta qildiruvchiga/Qarz oluvchiga taqdim yetiladi. Agar sug'urta hodisasi to'lash muddati o'tkazib yuborilgan navbatdagi sug'urta badali to'lanishidan oldin yuz bergan bo'lsa, sug'urtalovchi mulkiy sug'urta shartnomasi bo'yicha to'lanishi lozim bo'lgan sug'urta to'lovi miqdorini sug'urta mukofotining o'ziga to'langan qismiga mutanosib summada cheklashga va muddati o'tkazib yuborilgan sug'urta badali summasini hisobga olishga haqli.

6.2. Sug'urta mukofoti yoki uning birinchi qismi o'z vaqtidan keyin to'langan taqdirda ushbu Sug'urta qoidalari bo'yicha tuzilgan shartnomalarda kelishilgan sug'urta mukofoti yoki uning qismi to'langan paytdan boshlab kuchga kiradi va ushbu Sug'urta qoidalarining 4-ilovasida asosan ramiylashtirilgan sug'urta polisida aks etgan muddat mobaynida amalda bo'ladi. Sug'urtalovchining majburiyatlari boshlanishi Sug'urta mukofoti yoki uning qismi to'langan payt bo'lib Sug'urtalovchi yoki uning Sug'urta agentining bank hisob raqamiga pul mablag'lari kelib tushgan kun hisoblanadi.

6.3. Ushbu Sug'urta qoidalari bilan shartlashilgan Sug'urta shartnomalari kuchga kirgandan keyin sodir bo'lgan sug'urta hodisalariga nisbatan qo'llaniladi va sug'urta polisida ko'rsatilgan sug'urta muddati mobaynida amalda bo'ladi.

6.4. Agar Sug'urta qildiruvchi Naf oluvchi oldidagi majburiyatlarini to'liq hajmda bajarsa, sug'urta muddati tugagunga qadar Sug'urta qildiruvchi naf oluvchi bo'lib hisoblanadi.

7-BO'LIM. TOMONLARNING HUQUQ VA MAJBURIYATLARI

Ushbu Sug'urta qoidalari amalda bo'lgan muddatda:

7.1. Sug'urta qildiruvchi/Naf oluvchining huquqlari:

- Tomonlarning kelishuvi bilan ushbu Sug'urta qoidalariga o'zgartirishlar kiritishi;
- So'roviga ko'ra Sug'urtalovchidan ushbu Sug'urta qoidalari bo'yicha maslahatlar olishi;
- Sug'urtalovchining sug'urta to'lovi to'lovini rad etish javobi ustidan sudga arz qilishi.
- Mulk xuquqini begonalashtirmagan xolda qonunchilikda ruxsat etilgan xar qanday tartibda, oldindan Sug'urtalovchining yozma roziligi bilan maxsus texnika vositasini ijaraga (vaqtincha foydalanishga) berishi;

d) naf oluvchi sug'urta muddati davrida sug'urta xodisasi sodir bo'lganda sug'urta xodisasi tugrisida xabar topgan sug'urta davrining har qanday vaqtida sug'urtalovchiga murojaat qilishga xaqli.

7.2. Sug'urta qildiruvchi/Naf oluvchining majburiyatlari:

- Sug'urta qoidalarini tuzishda Sug'urtalovchiga o'ziga ma'lum, sug'urta hodisasi sodir bo'lishi

ISO 9001:2015  CERTIFIED QMS-0281/A Сертифицированная Система Менеджмента	RS-8,9-FD-ZS-HB-6	Garovga qo'yilayotgan maxsus texnikani sug'urtalash qoidalari (umumiy sug'urta sohasidagi 8,9 klasslari)	 TEMIRYO'L SUG'URTA	
	06/01/2025			
стр. 6 из 10				

ehtimolliligini va u sodir bo'lishidan yetishi mumkin bo'lgan zararlarni aniqlash uchun muhim bo'lgan barcha tavsilotlar haqida, shuningdek sug'urtalangan maxsus texnika vositasiga nisbatan tuzilgan va tuziladigan sug'urta shartnomalari haqida xabar qilishi;

b) Ushbu Sug'urta qoidalari amal qilgan muddatda Sug'urta qildiruvchi yoki Naf oluvchi Sug'urtalovchiga o'ziga ma'lum, Sug'urtalovchiga ushbu Sug'urta qoidalarini tuzayotganda xabar qilingan tavsilotlardagi o'zgarishlar haqida, agar bu o'zgarishlar sug'urta qaltisligi darajasi oshishiga sezilarli ta'sir qilsa, xabar qilishi shart.

v) Agar Sug'urta qildiruvchi qonunlar yoki boshqa me'yoriy hujjatlar bilan belgilangan qoidalar yoki yong'inga qarshi xavfizlik, moddiy boyliklarni asrash, ishlarni amalga oshirishning xavfsizlik me'yorlarini yoki shu kabi me'yorlarni buzilishiga olib kelsa yoxud bunday qoidabuzarliklar Sug'urta qildiruvchining xabari bo'lgan holda amalga oshirilsa, bunday qoidabuzarliklar qaltislik darajasini oshiruvchi tavsilot sifatida qaraladi.

g) Sug'urtalovchi bevosita xavfsizlik me'yorlarini buzilishi sababli kelib chiqqan sug'urta hodisalari bo'yicha tovon to'lashni rad etish huquqiga ega. Ammo sug'urta hodisasi sodir bo'lishi me'yorlarni buzilishi bilan bog'liq bo'lmasa, sug'urta tovonini to'lanadi.

d) Sezilarli o'zgarishlar bo'lib Ariza-so'rovnomada xabar qilingan tavsilotlar hisoblanadi bunday holatda sug'urta qildiruvchi sug'urtalovchiga, Sug'urta qoidalari amalda bo'lgan davr mobaynida sug'urta obyektiga taalluqli, sug'urta qaltisligiga sezilarli ta'sir qilishi mumkin bo'lgan o'zgarishlar, shu jumladan quyidagilar haqida xabar berishi:

- maxsus texnika vositasiga bo'lgan mulkdorlik huquqi qonunda belgilangan tartibda boshqa shaxsga o'tishi;

e) ushbu Sug'urta qoidalari shartlari bo'yicha sug'urta hodisasi deb tan olinishi mumkin bo'lgan voqea sodir bo'lsa:

- imkon bo'lishi bilanoq, sug'urta qildiruvchiga ma'lum bo'lgan kundan 15 (o'n besh) kalendar kunidan kechikmay, Sug'urtalovchini yoki uning vakilini voqea sodir bo'lganligi haqida xabardor qilishi;

- voqea sodir bo'lganligi haqida xabar berilgan kundan boshlab 15 (o'n besh) bank ish kuni ichida Sug'urtalovchiga tegishli yozma arizani zararga ta'sir etgan, o'ziga ma'lum sabablar va tavsilotlarni ko'rsatgan holda yo'llashi;

- sug'urta qildiruvchi darhol maxsus texnika vositasini qutqarish, keyingi shikastlanishni oldini olish va qo'shimcha zararni yuzaga kelishiga ko'maklashuvchi sabablarni bartaraf etish bo'yicha imkoni mavjud choralarni ko'rishi, shu jumladan shikastlangan maxsus texnika vositasini qo'riqlanishini ta'minlashi;

- yong'in sodir bo'lishi yoki yashin urishi, portlash yoki buzib o'g'irlik qilish holatlarida bu haqida darhol tegishli idoralarga xabar qilishi (yong'in xavfsizligi idoralari, ichki ishlar idoralari, FVV hududiy idoralari va sh.k.);

- Sug'urtalovchining vakili kelgunga qadar shikastlangan maxsus texnika vositasini sodir bo'lgan voqeadagi holatida saqlashi. Zarar ko'rinishini o'zgartirish faqat bu xavfsizlik nuqtai nazaridan shart bo'lsa, zarar miqdorini kamaytirish uchun, Sug'urtalovchining roziligi bilan yoki Sug'urtalovchini sodir bulgan voqea to'g'risida xabardor qilgandan keyin ikki hafta o'tgandan keyin amalga oshirilishi mumkin. Bunda Sug'urta qildiruvchi voqeadan keyingi ko'rinishni foto yoki video tasvirga tushirish orqali saqlab qolishi shart;

- Sug'urtalovchiga shikastlangan maxsus texnika vositasini yoki uning qoldiqlarini, shikastlangan qismlarini, detallarini va unga mansub jihozlarni yoki ularning qoldiqlarini taqdim etishi (agar mavjud bo'lsa);

- zarur bo'lganda, sug'urta hodisasi sodir bo'lgan paytda nobud bo'lgan (yo'qolgan), shikastlangan maxsus texnika vositasiga egalik qilish huquqi yoki boshqa mulkiy manfaatini tasdiqlovchi hujjatni taqdim etishi (mulkdorlik huquqi to'g'risida guvohnoma, oldi-sotdi Sug'urta qoidalari, ijara Sug'urta qoidalari va h.);

ISO 9001:2015  CERTIFIED QMS-0281/A Сертифицированная Система Менеджмента	RS-8,9-FD-ZS-HB-6 06/01/2025	Garovga qo'yilayotgan maxsus texnikani sug'urtalash qoidalari (umumiy sug'urta sohasidagi 8,9 klasslari)	 TEMIRYO'L SUG'URTA стр. 7 из 10
--	-------------------------------------	--	--

j) Sug'urtalovchini zarar o'rni qoplanishi, shikastlangan yoki yo'qotilgan sug'urtalangan maxsus texnika vositasi qaytarilishi yoki tiklanishi haqidagi barcha holatlar haqida xabardor qilishi;

z) Ushbu Sug'urta qoidalarida ko'rsatilgan barcha xabarlar tomonlar tarafidan yozma shaklda yoki matnni va xabar sanasini saqlashga imkon beruvchi aloqa uslublarida (aloqa vositalari orqali) yoxud olinganligi imzo bilan tasdiqlangan holda topshiriladi.

i) Sug'urta qildiruvchining mazkur Sug'urta qoidalarida kursatilgan barcha huquq va majburiyatlari Lizing oluvchiga ham nisbatan qo'llaniladi.

7.3. Sug'urtalovchining huquqlari:

a) sug'urta hodisasi sodir bo'lishi ehtimolini kamaytirishga yo'naltirilgan oldini olish choralarini amalga oshirishi;

b) sug'urta hodisasi sodir bo'lish qaltisligi darajasini tavsiflovchi qo'shimcha hujjatlarni talab qilishi. Ushbu Sug'urta qoidalari amalda bo'lgan muddatda qaltislik darajasi o'zgargan taqdirda, shart-sharoitdan kelib chiqib, sug'urta mukofoti miqdori oshirilishi yoki kamaytirilishi mumkin;

v) sug'urta qildiruvchi/Naf oluvchi taqdim etgan hujjat va axborotni haqiqiy ekanligi/rostligi/obyektivligi nuqtai nazaridan, shuningdek Sug'urta qildiruvchi ushbu Sug'urta qoidalari shartlarini bajarishini tekshirishi;

g) sug'urta qildiruvchi/Haydovchi va/yoki Naf oluvchi ushbu Sug'urta qoidalari bo'yicha o'z zimmasiga qabul qilgan majburiyatlarni bajarmaganda yoki lozim darajada bajarmaganda sug'urta tovonini to'lovini rad etishi;

d) ushbu Sug'urta qoidalarining 8.1-bandida ko'rsatilgan hujjatlarni hammasini talab qilmasdan ham voqeani sug'urta hodisasi deb tan olish yoki olmaslik (yoki sug'urta tovonini to'lovini rad etish) haqida qaror qabul qilishi;

7.4. Sug'urtalovchining majburiyatlari:

a) ushbu Sug'urta qoidalarida belgilangan muddatda Sug'urta polisini berishi;

b) barcha zarur hujjatlarni olib, sug'urta hodisasini tan olgandan keyin ushbu Sug'urta qoidalarida kelishilgan miqdor va muddatda sug'urta tovonini to'lovini amalga oshirishi;

v) Sug'urta qildiruvchiga ushbu Sug'urta qoidalari bo'yicha maslahatlar berishi;

g) ushbu Sug'urta qoidalari amalda bo'lgan muddatda Sug'urta qildiruvchi va/yoki Naf oluvchidan olingan axborotni sir saqlashi, Sug'urta qildiruvchi va/yoki Naf oluvchi O'zbekiston Respublikasining amaldagi qonun hujjatlariga muvofiq davlat idoralariga axborot taqdim etishi shart bo'lgan yoki ushbu Sug'urta qoidalari bo'yicha axborotni oshkor qilishga Sug'urta qildiruvchining yozma ruxsati bo'lgan holatlar bundan mustanso.

8-BO'LIM. SUG'URTA DA'VOSINI KO'RIB CHIQISH

8.1. Sug'urtalovchidan sug'urta tovonini to'lash bo'yicha talabga asos bo'lishi mumkin bo'lgan voqea sodir bo'lsa, Sug'urta qildiruvchi/Naf oluvchi/Haydovchi quyidagilarni amalga oshirishi shart:

- darhol sodir bo'lgan voqea to'g'risida mutasaddi idoralarga (yo'l hararkati xavfsizligi, yong'in xavfsizligi, ichki ishlar idoralariga va b.) xabar qilishi;

- imkon bo'lishi bilanoq, sug'urta qildiruvchiga ma'lum bo'lgan kundan 15 (o'n besh) kalendar kun ichida Sug'urtalovchini bu haqda xabardor qilishi va voqea sodir bo'lgandan keyin 15 (o'n besh) ish kuni ichida Sug'urtalovchiga voqea joyi, sababi va tavsilotlari ko'rsatilgan yozma xabarnomani yo'llashi.

Sug'urta tovonini to'lovi to'g'risidagi arizaga quyidagi hujjatlar ilova qiladi:

a) Sug'urta polisi;

b) Haydovchilik guvohnomasi;

v) Transport vositasini ro'yxatga olish to'g'risida guvohnoma;

g) Ishonchnoma va transport vositasini boshqarish huquqini beruvchi boshqa hujjatlar;

ISO 9001:2015  CERTIFIED QMS-0281/A Сертифицированная Система Менеджмента	RS-8,9-FD-ZS-HB-6 06/01/2025	Garovga qo'yilayotgan maxsus texnikani sug'urtalash qoidalari (umumiy sug'urta sohasidagi 8,9 klasslari)	 TEMIRYO'L SUG'URTA стр. 8 из 10
---	-------------------------------------	--	--

d) Voqea sababi va tavsilotlarini ko'rsatgan holda sodir bo'lgan voqeani tergov qilishga vakolati bor mutasaddi idoralardan tegishli ma'lumotnoma;

e) Baholash faoliyatini amalga oshirishga litsenziyasi bor baholovchi tashkilot tomonidan barcha ishlar, ehtiyot qismlar va materiallar ko'rsatilgan moddiy zararni baholash bo'yicha hisob-kitob.

j) sug'urta to'lovni to'lash va zarar miqdorini aniqlash uchun Sug'urtalovchi talab qilgan boshqa hujjatlar;

Ushbu Sug'urta qoidalarining 8.1 bandlarida nazarda tutilgan hujjatlar ulardan nusxa ko'chirilib, taqdim etilgan hujjatlar haqiqiy ekanligi tasdiqlangandan keyin Sug'urta qildiruvchiga qaytariladi.

8.2. Sug'urta qildiruvchi har qanday yo'qotish va/yoki shikastlanish haqida xabar qilganda Sug'urtalovchi o'z xodimini yoki boshqa shaxsni sodir bo'lgan voqeaning turi, sababi va tavsilotlarini batafsil o'rganish uchun yuborishga haqli.

8.3. Barcha zarur hujjatlarni va ushbu voqeaga aloqador tavsilotlarni o'rgangandan so'ng Sug'urtalovchi sodir bo'lgan voqeani sug'urta hodisasi deb tan olish yoki tan olmaslik haqida qaror chiqaradi.

8.4. Sug'urtalovchining sug'urta tovonini to'lash yoki to'lashni rad etish to'g'risidagi qarori sug'urta qildiruvchiga u sug'urta tovonini to'lashni so'rab murojaat etganidan keyin o'n besh kundan kechiktirmay xabar qilinishi va rad etish sabablarining asoslantirilgan dalil-isbotlarini o'z ichiga olgan bo'lishi lozim.

8.5. Voqea sodir bo'lganligi munosabati bilan jinoiy ish, fuqarolik ishi yoki ma'muriy ish qo'zg'atilgan taqdirda Sug'urtalovchi mutasaddi idoralar tegishli qaror chiqargunga qadar to'lanadigan mablag'lar xaqidagi qarorini keyinga qoldirishga haqli.

8.6. Sug'urta hodisasi sodir bo'lganligini, shuningdek yetkazilgan zararlarni isbotlash Sug'urta qildiruvchi va Naf oluvchi zimmasida.

8.7. Sug'urta voqearining tavsifi va tavsilotlaridan kelib chiqib, Sug'urtalovchi ushbu Sug'urta qoidalarining 8-bo'limida ko'rsatilgan hujjatlarning hammasini ham talab qilmasdan sodir bo'lgan voqeani tan olish yoki tan olmaslik (sug'urta to'lovni to'lovini rad etish) to'g'risida qaror qabul qilishi mumkin.

9-BO'LIM. SUG'URTA TOVONI TO'LOVI

9.1. Sug'urtalovchi sug'urta to'lovni to'lovini sug'urta hodisasini tan olib, Sug'urta hodisasi to'g'risidagi dalolatnomani tomonlar imzolagandan keyin 10 (o'n) ish kuni ichida amalga oshiradi.

9.2. Sug'urtalangan maxsus texnika vositasi dan mahrum bo'lish yoki uni shikastlanishida tovon to'lash tartibi.

Sug'urtalovchi sodir bo'lgan voqeani sug'urta hodisasi deb tan olgan taqdirda quyidagi qoidalarga rioya qilgan holda to'lanishi lozim bo'lgan sug'urta hodisasining miqdori aniqlanadi:

9.3. maxsus texnika vositasi olib qochilgan yoki to'liq nobud bo'lgan taqdirda – sug'urtalovchi maxsus texnika vositasi sug'urtalangan sug'urta pulini to'laydi.

9.4. Sug'urtalangan maxsus texnika vositasi shikastlangan taqdirda Sug'urtalovchi baholash faoliyatini amalga oshirish uchun litsenziyasi bo'lgan baholovchi tashkilot tuzgan moddiy zararni baholash naryad-buyurtma/hisob-kitob miqdorida sug'urta to'lovni to'laydi.

1-maxsus qo'shimcha shart:

Ushbu bilan Sug'urta qoidalari bo'yicha tomonlar ushbu Sug'urta qoidalariga muvofiq Sug'urta qildiruvchi/Naf oluvchi/Haydovchining sug'urtalangan maxsus texnika vositasini o'zgartirish/takomillashtirish/yangilash bilan bog'liq xarajatlari qoplanmasligini tasdiqlaydilar va bunga rozi bo'ladilar;

Sug'urta tovonini to'lash:

9.5. Sug'urta to'lovni Naf oluvchiga yoki uning yozma roziligi bilan Sug'urta qildiruvchiga O'zbekiston Respublikasining amaldagi qonun hujjatlariga muvofiq to'lanadi.

 CERTIFIED QMS-0261/A Сертифицирована Система Менеджмента	RS-8,9-FD-ZS-HB-6 06/01/2025	Garovga qo'yilayotgan maxsus texnikani sug'urtalash qoidalarini (umumiy sug'urta sohasidagi 8,9 klasslari)	 TEMIRYO'L SUG'URTA стр. 9 из 10
---	-------------------------------------	--	--

9.6. Agar ushbu Sug'urta qoidalarini bo'yicha sug'urta puli Sug'urta polislari rasmiylashtirilayotgan kundagi sug'urta qiymatidan kam miqdorda o'rnatilgan bo'lsa, Sug'urtalovchi sug'urta hodisasi sodir bo'lganda Sug'urta qildiruvchi/Naf oluvchiga yetkazilgan zararlarni O'zbekiston Respublikasi Fuqarolik kodeksining 936-moddasiga muvofiq, sug'urta pulining sug'urta qiymatiga mutanosib bo'lgan nisbatda qoplashi shart.

9.7. Ushbu Sug'urta qoidalarini bo'yicha sug'urta tovonini oluvchining bank hisob raqamiga pul mablag'larini o'tkazish orqali to'lanadi.

9.8. Sug'urta hodisasi sodir bo'lganda Sug'urtalovchi amalga oshirgan sug'urta tovonining har bir to'lovi, agar Sug'urta qildiruvchi tomonidan sug'urta pulini tiklash uchun qo'shimcha mukofot to'lanmasa, Sug'urtalovchi majburiyatlari chegarasini ushbu to'lov miqdorida kamaytiradi.

Sug'urta tovonini to'lovi oqibatida Sug'urtalovchining majburiyatlari kamayishi sug'urta tovonini O'zbekiston Respublikasi Fuqarolik kodeksi 936-moddasining talablarini inobatga olib to'lashga asos bo'lmaydi.

Sug'urta qildiruvchi (naf oluvchi) sug'urta hodisasi yuz berganidan keyin sug'urtalovchining roziligi bilan sug'urtalangan maxsus texnika vositasika bo'lgan o'z huquqlarini unga o'tkazishi va sug'urta tovonini sug'urta pulining to'liq hajmida olishi mumkin (FK 958-modda).

9.11. Sug'urta tovonini to'liq yoki qisman to'lagan Sug'urtalovchiga O'zbekiston Respublikasining amaldagi qonun hujjatlariga muvofiq ushbu mablag' chegarasida zarar yetkazilganligi uchun javobgar shaxsdan talab qilish huquqi o'tadi, javobgar shaxs Sug'urta qildiruvchi yoki Naf oluvchi bo'lgan holatlar bundan mustasno.

9.12. Barcha holatlarda sug'urta tovonini ushbu Sug'urta qoidalarida keltirilgan sug'urta pulidan ortiq bo'lmasligi shart.

10-BO'LIM. SUG'URTA SHARTNOMALARNI BEKOR QILINISHI VA TUGATILISHI

10.1. Mazkur Sug'urta qoidalarini asosida tuzilgan shartnomalar istalgan tarafning yozma shakldagi arizasiga ko'ra undan istalgan vaqtda bekor qilinishi/Shartnomadan voz kechilishi mumkin. Shartnomani bekor qilish taxmin qilingan sanadan 15 (o'n besh) kun oldin ma'lum qilinishi sharti bilan bekor qilinadi va qo'shimcha bitim imzolangan kundan bir ish kuni o'tib kuchga kiradi. Mazkur Shartnomaning bekor qilinishi uchinchi taraf manfaatlariga daxl qiladigan holatlarda, shu tarafning yozma shakldagi roziligi kerak bo'ladi.

10.2. Sug'urta qildiruvchi/Naf oluvchi, agar voz kechish paytiga kelib sug'urta hodisaning yuz berish ehtimoli Sug'urta qoidalarida ko'rsatilgan holatlar bo'yicha yo'qolmagan bo'lsa, mazkur Shartnomani bajarishdan istagan paytida voz kechishga haqli. Bu holatda, Sug'urtalovchiga sug'urta mukofotining bir qismi sug'urta amal qilgan vaqtga mutanosib ravishda, qaytarib berilayotgan ishlab topilmagan sug'urta mukofotining 25% miqdorida xarajatlarini chegirib qolgan holda, qaytarib beriladi.

10.3. Mazkur Sug'urta qoidalarining 10.1., 10.2. bandlarida ko'rsatilgan holatlarda Shartnoma bekor qilinganda, agar sug'urta hodisalari bo'yicha zararni qoplash to'g'risida talabnoma taqdim qilingan, Sug'urtalovchi tomonidan ular qoplanishi lozim bo'lgan va/yoki har qanday sug'urta tovonini to'langan bo'lsa, sug'urta tovonini qaytarib berilmaydi.

10.4. Mazkur Sug'urta qoidalarini bilan tuzilgan shartnoma quyidagi holatlarda bekor bo'ladi:

- amal qilish muddati tugaganda;
- Sug'urta qildiruvchi/Naf oluvchi/Garovga qo'yuvchi oldida Sug'urtalovchining mazkur Shartnoma bo'yicha majburiyatlari to'liq bajarib bo'linganda;
- Shartnoma sud tomonidan haqiqiy emas deb topilganda.

 CERTIFIED QMS-0281/A Сертифицированная Система Менеджмента	RS-8,9-FD-ZS-HB-6	Garovga qo'yilayotgan maxsus texnikani sug'urtalash qoidalari (umumiy sug'urta sohasidagi 8,9 klasslari)	 TEMIRYO'L SUG'URTA
	06/01/2025		стр. 10 из 10

11-BO'LIM. TOMONLARNING JAVOBGARLIGI

11.1. Tomonlar o'z zimmalariga qabul qilgan majburiyatlarni bajarmaganlik yoki lozim darajada bajarmaganlik uchun O'zbekiston Respublikasining amaldagi qonun hujjatlariga muvofiq javobgar bo'ladilar.

11.2. Tomonlar sug'urta mukofoti (uning qismi) va/yoki sug'urta tovonini to'lash bilan bog'liq majburiyatlarini o'z vaqtida bajarmasliklari, majburiyatini o'z vaqtida bajarmagan tarafdin to'lov kechiktirilgan har bir kun uchun to'lov summasining 0,1% miqdorida, lekin umumiy to'lov summasining 10% dan oshmagan miqdorda penya undirilish huquqini keltirib chiqaradi. Penya to'lanishi tomonlarni sug'urta mukofoti va/yoki sug'urta tovonini to'lovidan ozod qilmaydi.

11.3. Agar Tomonlar ushbu Sug'urta qoidalari bo'yicha o'z majburiyatlarini bajara olmasliklari yengib bo'lmas kuch (fors-major) shart-sharoiti sababli yuzaga kelsa, ular javobgarlikdan ozod bo'ladilar. Yengib bo'lmas kuch ta'sirida bo'lgan tomon boshqa tomonni bunday shart-sharoit yuzaga kelganligi va tahminan qancha davom etishi mumkinligi to'g'risida bir-birlarini darhol xabardor qilishlari shart.

Bunda Tomonlar ushbu Sug'urta qoidalarining bajarilgan va bajarilmagan qismlari yuzasidan o'rnatilgan tartibda yakuniy hisob-kitobni amalga oshiradilar.

12-BO'LIM. SUBROGATSIYA

12.1. Sug'urta tovonini to'langandan keyin (to'langan miqdor chegarasida) Sug'urta qildiruvchi/Naf oluvchi zararni yetkazilganligiga javobgar bo'lgan shaxslarga nisbatan bo'lgan zarar o'rnini qoplashni talab qilish huquqi Sug'urtalovchiga o'tadi. Sug'urta qildiruvchi/Naf oluvchi Sug'urtalovchiga sug'urta hodisasi uchun javobgar shaxsdan talab qilish uchun zarur barcha hujjatlarni beradi.

13-BO'LIM. BAHSLARNI HAL ETISH TARTIBI

13.1. Ushbu Sug'urta qoidalarida keltirilgan masalalar yuzasidan bahslar, talablar yoki kelishmovchiliklar yuzaga kelgan taqdirda tomonlar ularni muzokaralar yo'li bilan hal etish choralarini ko'radilar.

13.2. Ushbu Sug'urta qoidalaridan kelib chiqqan bahslar, kelishmovchiliklar yoki talablar, shu jumladan uning ijrosi, buzilishi, tugatilishi yoki haqiqiy emasligi muzokaralar yo'li bilan hal etib bo'lmasa, ular O'zbekiston Respublikasining amaldagi qonun hujjatlariga muvofiq hal etiladi.

14-BO'LIM. BOSHQA SHARTLAR

14.1. Ushbu Sug'urta qoidalariga barcha qo'shimchalar va o'zgarishlar, shuningdek uni uzaytirish yoki tugatilishi tomonlarning roziligi bilan yozma shaklda amalga oshiriladi.

14.2. Sug'urtalangan maxsus texnika vositasiga bo'lgan huquqlar boshqa shaxsga o'tgan taqdirda ushbu Sug'urta qoidalari bo'yicha Sug'urta qildiruvchining huquq va majburiyatlari maxsus texnika vositasiga bo'lgan huquqlar o'tgan mas'ul shaxsga o'tadi.

14.3. Ushbu Sug'urta qoidalarida tartibga solinmagan o'zaro munosabatlar O'zbekiston Respublikasining amaldagi qonun hujjatlariga muvofiq tartibga solinadi.

SUG'URTALOVCHINING YURIDIK MANZILI VA REKVIZITLARI:

“TEMIRYO'L-SUG'URTA” AJ

Elektron pochta manzili: insurance@tys.uz

Manzil: Toshkent shahri, Yunusobod tumani,
Oloy bozori berk ko'chasi, 64-uy, “ORIENT” BM
h/r: 2021 4000 9041 8877 2001

Bank: “Ipak yo'li” Banki Mirzo Ulug'bek filiali
MFO: 00421, INN: 203 996 028, OKED: 65120